



Suliffeqarfiiut nerisassiortartut sassaallertartullu: Neriniartarfiit suliffeqarfiiillu

Akuersineq

Suliffeqarfiiut nerisassiorfiusut tamarmik Kalaallit Nunaanni Uumasunut nakorsaqnarnermut Inuussutissalerinermullu Oqartussaqarfimmit (UNIO) akuerineqartartussaapput. Taamaattorli suliffeqarfinnut nioqqutissanik nunanut allanut annissiniartunut Danmarkimi Fødevarestyrelsen (FVST) suliffeqarfinnik nerisassiorfiusunik akuersinissamut akisussasaasuuvoq.

Illutaa

Suliffeqarfimmik nerisassiorfiusussamik aallartitsinnginnermi illup siunertamut naleqquttuunissaata isumannaarnissaa pingaruteqarpoq.

Illutaani ilaatigut makku isumagineqassapput:

- Imermik imerneqarsinnaasumik pitsaassusissamisut pitsaassusilimmik naammattumik pilersuisinnaaneq.
- Kuuffiit atorluarsinnaasut aserfallatsaalineqartullu.
- Eqqakkanut eqqaaveqarnissaq, eqqiluisaernerlu eqqarsaatigalugu katersorneqarsinnaanngorlugit, uninngatinneqarsinnaanngorlugit peerneqarsinnaanngorlugillu.
- Sulisut inaat atisaasiviillu.
- Sulisunut perusuersartarfik asaffissartalik.



Init nerisassanik sassaalliiffiusartut

Pulaartunut perusuersartarfeqassaaq errorfittalimmik kuuinnartumillu imilimmik. Sulisunut inniminnigaasumik aamma perusuersartarf eqassaaq errortorfittalimmik kuuinnartumillu imilimmik. Ineqassaaq sassaalliiffiusartussamik siunertamut naleqqutumik aamma nerisassiorfiusumit (igaffimmit) immikkoortumik.



Init nerisassiorfiusartut

Init siunertamut atorneqartussat aaqqissuunneqarneri nerisassiornermut, uninngasuuteqarnermut, kiisalu nillataartitsivittut querititsivittullu atugassatut naleqquttuussapput. Init eqqiluisaerneq eqqarsaatigalugu pisatsersorneqassapput. Taamaasillutik atortut qaavi eqqiaruminarluartuussapput. Nerisassat avatangiisinit mingutsinnaveersaartinneqarnissaat isumannaerneqassaaq. Qulliit qaammaqqufersuutilu assiaqutserorsimassapput nerisassanik



mingutsitsisinnaajunnaarsillugit.

Nalinginnaasumik innaallagiatortumilluunniit angummassinnaasumik silaannarissarf eqassaaq. Tamatum kingunerisaanik kissarsutip uutsivittaasalu qulaani ammartartumik silaannarissarf eqassaaq.

Suliffeqarfiup uumasunut ajoqutaasinnaasunut illersuusersimanissa i sumannaarneqassaaq, assersuutigalugu silaannarissarf it net-itallit sullinernut

kiisalu uumasunut allanut soorlu terissanut taakkununngalu assingusunut.

Pequtsorsnera

Suliffeqarfiup initasa aqqissuunnerini tunisassiornerup tulluartumik/naleqquttumik ingerlanissaa eqqarsaatigineqartassaaq. Taamaattumik nerisassiassat ooqanngitsut piarikallu immikkoortinneqartassapput. Aammattaaq naasuneersut (naatitat) uumasuneersullu (neqit) nerisassiarineqartussat immikkoortinneqartassapput.
Init eqqiaruminartungortillugit aqqissuunneqassapput.




Illumi atortut

Naammaginartumik pitsaassusilimmik eqqiarneqarsinnaallutik eqqiluisaartikkuminartuullutillu aqqissuunneqassapput. Atortut tunillannartuaammik salinneqarsinnaassapput eqqiakulaneqarsinnaallutillu. Taamaattumik ilaagitut qisuit atornaveersaartariaqarput.

Nerisassanik uninngatitsineq

Nillataartitsiviit qerititsiviillu kissarnersiuteqartinneqassapput. Aamma kissalaartitsiviusinnaasut uuttuisinnaasunik kissarnersiuteqartinneqassapput.

Inimi nillataartitsiviusumi qerititsiviusumilu kiisalu sikaavimmi kissalaartitsivimmi nillissuseq/kiassuseq uuttorneqartassapput, suliffiillu nammineq nakkutilliinerata ilaattut allatorneqartassallutik.



Kissassutsimut/nillissutsimut killigitat:

- Ini nillataartitsivik nillataartitsivillu 5 °C-mit kissarnerussanngilaq
- Init qerititsiveqarfiit qerititsiviillu: -18 °C-mit kissarnerussanngilaq
- Sikaaviit kissalaartitsiviusut: 65°C-mit nillernerussanngillat

Inuussutissat suliarineqanngitsut (ooqanngitsut) suliareriikkallu immikkoortinneqartassapput.

Init uninngatitsiviit eqqiluillutillu torersuussapput. Nerisassat natiinnarmut ilineqassanngillat, naqqullu qulaani inaalinneqarsimassapput toqqortarineqarlutillu.



Nerisassiassat

Nerisassiassat pitsaasuunissaat pingaartuuvoq. Nerisassiassat ooqanngitsut, igariaannaat, piariikkallu nutaajunissaat atorneqarnissaminnilu peqqinnartuunissaat pingaaruteqarpoq. Nioqqtissat asiunikut atoqqusaanngillat.



Nerisassiorneq

Nerisassiat suliarineqarnerat tassa nioqqtissiarineqarnerat eqqiluisaartumik ingerlanneqassaaq.

Suliarineqarneranni kissassutsimut/nillissutsimut piumasaqaatit:

- **Aassiineq:** Nerisassanik aassiinermi nillataartitsivik 5 °C-mit kissarnerussanngilaq, inillu kiassusia atorlugu ingerlanneqassanani.
- **Kissaaneq:** Nerisassat kissanneqassappata minnerpaamik 75 °C-inik kissassuseqartinneqassapput.
- **Kialaartitsineq:** Nerisassat nioqqtigineqarnissamik tungaanut kissassimaartinneqassappata minnerpaamik 65 °C-inik kissassuseqartinneqassapput.
- **Nillusaaneq:** Nerisassat nillarsarneqassappata sivisunerpaaamik nal. ak. pingasut ingerlaneranni 65 °C-imut 10 °C-imut nillusarneqassapput. Nerisassat sivisunerpaaamik nal. ak. pingasut ingerlaneranni 10 °C-inngorlugit nillorsimannngippata, 75 °C-imut ingerlaannaq kissaqqinneqarsinnaapput nillarseqqinneqarsinnaallutillu. Nerisassat annikitsukkaamik aggorlugit nillarserneqarsinnaapput. Nerisassat ingerlaannaq 75 °C-imut kissaqqinneqanngippata iginneqassapput.

Kissassusissamut piumasaqaatit malinneqassapput, nappaatinik pilersitsisinnaasunik bakteriaqalersinnaaneri pinngitsoortinniarlugu.

Nammineerluni nakkutilliineq

Tunisassiornerup eqqiluisaartumik ingerlanneqarnissaa suliffeqarfiup nammineerluni nakkutigissavaa. Tamanna nammineerluni nakkutilliinikkut pisassaaq, assersuutigalugu eqqiaanermi kiisalu uninngatitsinermi tunisassiornermilu kissassutsimut eqqiluisaarnissamullu malittarisassat malinneqarnissaannik nakkutilliinissamik pilersaarusiornikkut.

Peqatigitillugulu nerisassat pitsaasuunissaat aamma nerisassat nioqqtigineqartut nappaatinik pilersitsisinnaannginnissaasa isumaginissaat suliffeqarfiup akisussaaffigaa.



Eqqiaaneq

Init akulikitsumik eqqiarneqartassapput taamaalillutik eqqiluisaartinneqarsinnaallutik, taamaattorli nerisassanik suliaqarfinni ulluni suliffiusuni tamani akuttunerpaamik ullormut ataasiarlugit. Atortut, maskiinat sakkullu ulluni suliffiusuni tamani akuttunerpaamik ullormut ataasiarlugit eqqiarneqarlutillu tunillannartuiarneqartassapput. Tunillannartuaanermi imeq qalattoq imaluunniit aalaq qalattuminngaanneersoq atorneqarsinnaapput, taamaaliornermilu sivikinnerpaamik minutsit marluk 80°C ataannagu kissassusilimmik salinneqarlutik. Tunillannartuaanermi aamma tunillannartuaatit atorneqarsinnaapput. Tunillannartuaatinik atusoqartillugu passussiviusut qaavi inuussutissanit ilioraavigineqarsimasut salinneqassapput.

Nerinermi atortunik eqqiaaneq

Nerinermi atortut tamarmik nerisassanit attuumassuteqartut siuliani malittarisassat taaneqartut malillugit errorneqarlutillu tunillannartuiarneqartassapput. Tamatuma kingunerisaanik maskiina erruissut imaluunniit imeq qalattoq atorneqarsinnaavoq, qalattorlu sivikinnerpaamik minutini marlunni atorneqassaaq, imaluunniit sukumiisumik eqqiarneqareernerani tunillannartuiarneqassalluni. Taamatut eqqiaasoqarlunilu tunillannartuaasoqarsinnaanngippat nerinermi atortut ataasiartakkat atorneqarsinnaapput.



Inuttut eqqiluisaardeq

Nerisassiorneq, uninngasuuteqarneq, nerisassanik nioqquteqarneq, eqqiaaneq tunillannartuaanerlu kiisalu nammineq eqqiluisaarnissaq ipeersaartuunissarlu pisariaqartut pillugit suliffeqarfiup akisussaasuata sulisut ilitsersuutissavai.

Sulisut nerisassaleritillugit inuttut eqqiluisaaqqissaarnissaq isumagineqartassaaq. Sulisut suliamut naleqquettunik ipiitsunillu sulinermi atisaqassapput kiisalu ipiitsumik nasaqarlutik.

Nerisassat aqqutigalugit tunillaassinaasumik sulisoq nappaammik ajoquteqartoq napparsimasorluunniit pasitsaanneqarpat ilisimaneqarpalluunniit, taava sulisoq nerisassiorfiusumi nerisassanik passussiffiusumi toqqaannartumik toqqaannanngitsumilluunniit mingutsitsiviusinnaasumi suleqquaanngilaq (assersuutigalugu kimillanneqaruni, timmissimassaguni imaluunniit amerluuteqarsimaguni)

Sulisoq nutaamik ikeqalersimappat ikia imermit pitarneqarsinnaanngitsumik mattuserneqassaaq, taamaaliornikkut nerisassat mingutsinneqarsinnaassanngimmata.

Eqqiluisaarnissamik pisariaqartitsineq pissutigalugu perusuersartarfimminnerup kingorna sulinerullu aallartinnginnerani sulisut assatik tamatigut errortassavaat. Imeq kissartoq, qaqorsaat allarutillu ataasiartakkat atorneqartassapput.





Inini suliaqarfiusuni toqqorsivinnilu pujortarneq imaluunniit nerineq imernissarlu inerteqquaapput. Inini suliaqarfiusuni uninngatitsivinnilu inuit pigisaasa inaalisisimanissaat inerteqquaavoq. Sulisut pigisaat sulisut atisaasivianniitinneqassapput.

Suliffeqarfiiit inuussutissaleriffiusut pillugit apeqquissaqaruit taava una attavigiuk:

*Kalaallit Nunaanni Uumasunut Nakorsaqnarnermut Inuussutissalerinerimullu Oqartussaqarfik
Aqqusinersuaq 31, 2. tv.*

*Postboks 269
3900 Nuuk
Oqarasuaat : +299 34 50 00*

Mail: uumasut@nanoq.gl